

**Слѹжба священномѹченику Евгению Яковлеву,  
пресвитеру (7 декабря н.ст.)**

**На Гóсподи, воззвах: стихіры праздника 3 и святого, глас 1.**

Прехвáльне священномѹчениче Евгение,/ ты ни темніца изнури́ла  
есть,/ ни глад умори́,/ ни озлоблѣния и рáны смято́ша,/ во éже разлучи́ти  
тя от любви́ Бóжия/ и благодарованныя пáсты./ Тѣмже Христѹ, свя́те,  
моли́ся/ дарова́ти Цѣркви на́шей// мир и ве́лию ми́лость.

Всехва́льне священномѹчениче Евгение,/ от бра́тий по плóти  
страда́ния до кро́ве претерпева́я,/ в себѣ помышля́л еси́,/ я́ко Гóспода  
ра́ди умерщвля́еми есмѹ/ и несть на́ша брань проти́ву плóти и кро́ви,/ но  
к миродержи́телю тьмы ве́ка сего́./ Тѣмже Христѹ, свя́те, моли́ся,/  
дарова́ти землі́ на́шей// мир и ве́лию ми́лость.

Пресла́вне священномѹчениче Евгение,/ ты же́ртву безкро́вную/  
пе́рвее благоговѣ́йне соверша́я,/ по́слежде, я́ко всепло́дие,/ себѣ сама́го в  
же́ртву живу́ю прине́сл еси́,/ моля́, да прости́тся грех богобо́рчества  
наро́да на́шего./ И ны́не Христѹ, свя́те, моли́ся/ дарова́ти лю́дем  
росси́йским// мир и ве́лию ми́лость.

**Сла́ва, глас то́йже:**

Цѣркве Росси́йския сла́во/ и Оте́чества на́шего украше́ние,/   
священномѹчениче Евгение,/ вла́стию, от Бóга тебѣ да́нною,/ ругáтели  
безбо́жныя облича́л еси́,/ и, я́ко во́лки лю́тыя, от ста́да твоего́ отгна́л еси́/  
и диáвола посра́мил еси́,/ кро́вь же тво́я, я́ко Áвелева,/ от землі́ на́шея  
вопи́ет немóлчно./ Сего́ ра́ди ходáтай на Небеси́ о нас ве́рен бѹди// и моли́  
спасти́ся душáм на́шим.

И ны́не, праздни́ка

Вход. Прокі́мен дне. И чтѣ́ния три.

**Де́яний святы́х апóстол чтѣ́ние (глава́ 4):**

Во дни о́ны, глаго́лющим же апóстолом к лю́дем,/ наидóша на нѣх  
священни́цы и воево́да церко́вный, и саддуке́и,/ жа́ляще си, за éже учи́ти  
им лю́ди и возвещáти о Иисѹсе воскресе́ние ме́ртвых;/ и возложи́ша на  
них ру́ки и положи́ша их в соблюде́ние до ўтрия:/ бе бо ве́чер уже́./  
Мно́зи же от слы́шавших сло́во ве́роваша:/ и бысть числó мужей я́ко

ты́сящ пять./ Бысть же наутрие собратися князем их, и старцем, и кни́жником во Иерусали́м:/ и А́нне архиере́ю, и Каиа́фе, и Ио́анну, и Алекса́ндру,/ и ели́цы беша от ро́да архиере́йска./ И, поставльше их посреде́, вопроша́ху:/ ко́ею си́лою, или́ ко́им и́менем сотвори́сте сие́ вы?/ Тогда́ Петр, испо́лнися Ду́ха Свя́та, рече́ к ним:/ кня́зи лю́дстии и ста́рцы Изра́илевы,/ а́ще мы днесъ истязу́еми есмы́ о благоде́янии челове́ка немо́щна,/ о чесо́м сей спасе́ся,/ разу́мно бу́ди всем вам и всем лю́дем Изра́иловым,/ я́ко во и́мя Иису́са Христа́ Назоре́я,/ Егóже вы распя́сте,/ Егóже Бог воскреси́ от ме́ртвых,/ о Сем сей стои́т пред ва́ми здрав./ Сей есть ка́мень, укоренный от вас, зи́ждущих,/ бы́вый во главу́ у́гла,/ и несть ни о еди́ном же ино́м спасе́ния;/ несть бо ино́го и́мене под небесе́м, да́ннаго в челове́цех,/ о не́мже подоба́ет спастися нам.

#### **Де́яний святы́х апо́стол чтéние (глава́ 4):**

Во дни о́ны, ви́дяще иуде́и Петро́во дерзнове́ние и Иоа́нново и разумев́ше,/ я́ко челове́ка неknи́жна еста́ и прóста, дивля́хуся,/ зна́ху же их, я́ко со Иису́сом беста;/ ви́дяще же исцеле́вшаго челове́ка с ни́ма стоя́ща,/ ничто́же имя́ху проти́ву рещи́./ Повеле́вше же и́ма вон из со́нмища изы́ти,/ стя́хуся ко друг дру́гу, глаго́люще:/ что сотвори́м челове́кома сима?/ Я́ко у́бо на́рочитое зна́мение бысть и́ма,/ всем живу́щим во Иерусали́ме я́ве,/ и не мо́жем отрече́йся;/ но да не бо́лее простре́тся в лю́дех,/ преще́нием да запре́тим и́ма ктому́ не глаго́лати о и́мени сем ни еди́ному от челове́к./ И призва́вше их,/ запове́даша и́ма отню́д не провещава́ти, ниже́ учи́ти о и́мени Иису́сове./ Петр же и Иоа́нн, отве́щавше к ним, реста:/ а́ще пра́ведно есть пред Бо́гом/ вас послу́шати па́че, не́жели Бо́га?/ Судите: не мо́жем бо мы, я́же ви́дехом и слы́шахом, не глаго́лати./ Онí же, призапре́щше и́ма, пусти́ша я,/ ничто́же обрече́ше, ка́ко му́чити их, люде́й ра́ди,/ я́ко вси прославля́ху Бо́га о бы́вшем:/ лет бо бы́ше мно́жае четы́редесяти челове́к той,/ на не́мже бысть чу́до сие́ исцеле́ния.

#### **Де́яний святы́х апо́стол чтéние (глава́ 4):**

Во дни о́ны, отпу́щена бы́вша апо́стола приидо́ста ко своим и возвесты́ста,/ ели́ка к ни́ма архиере́и и ста́рцы реща./ Онí же, слы́шавше, единоду́шно воздвиго́ша глас к Бо́гу и реко́ша:/ Влады́ко, Ты, Бо́же, сотвори́вый не́бо и зе́млю и мо́ре и вся, я́же в них,/ И́же усты́ Дави́да, о́трока Твоего́, рече́:/ вскую́ шата́шася язы́цы и лю́дие поучи́шася

тщётным?/ Предста́ша ца́рие зёмстии,/ и кня́зи собра́шася вку́пе на Го́спода и на Христа́ Его́./ Собра́шася бо вои́стину во гра́де сем на свята́го О́трока Твоего́ Иису́са,/ Его́же пома́зал еси́,/ Ёрод же и Понти́йский Пила́т, с язы́ки и людьми́ израи́левыми,/ сотвори́ти, ели́ка рука́ Твоя́ и сове́т Твой предна́рече́ быти./ И ны́не, Го́споди, при́зри на преще́ния их/ и даждь рабо́м Твои́м со вся́ким дерзнове́нием глаго́лати сло́во Твое́,/ внегда́ ру́ку Твою́ простре́ти Ти во исцеле́ния,/ и зна́мением и чуде́сем быва́ти и́менем святы́м О́трока Твоего́ Иису́са./ И помоли́вшимся им, подви́жеся ме́сто, иде́же бя́ху со́брани,/ и испо́лнишася вси Ду́ха Свя́та,/ и глаго́лаху сло́во Бо́жие со дерзнове́нием.

### **На стиховне стихиры, глас 6.**

Столп непоколебимый Ру́сския Цёркве был еси́,/ гоне́ния лю́тая претерпева́я,/ день и ночь в моли́тве подви́зался еси́,/ священномучени́че Евге́ние,/ огнём ре́вности и ду́хом кро́тости/ па́ству твою́ ко Христу́ путево́дя,// тем тя любóвию почита́ем.

**Стих: Священницы Твоя́ облеку́тся в пра́вду// и преподо́бнии Твой возра́дуются.**

Ве́рен Бо́гу и Цёркви был еси́ да́же до сме́рти,/ священномучени́че Евге́ние,/ ны́не же, с ли́ки новомучени́к и испове́дников Росси́йских/ предсто́я Христу́ Царю́,/ моли́ся с ни́ми приле́жно/ дарова́ти нам мир// и ве́лию ми́лость.

**Стих: Честна́ пред Го́сподем// смерть преподо́бных Его́.**

Душе́вная и теле́сная страда́ния твоя́/ и сме́рть за Го́спода во́льная от безбо́жных/ отверзо́ша ти, свя́те Евге́ние,/ врата́ жи́зни ве́чныя/ и укрепи́ша бра́тий твои́х испове́дати Христа́./ Те́мже Ему́ моли́ся при́сно,// да утверди́тся Правосла́вие на Руси́ во ве́ки.

### **Сла́ва, глас 4:**

А́нгели страда́нием твои́м дивля́хуся,/ и Цёрковь Небе́сная ра́достно тя при́ят,/ достохва́льне Евге́ние./ Ны́не же, священнеи́ ру́це твои́/ к Престо́лу Святы́я Тро́ицы протира́я,/ помина́й зе́млю Ру́сскую,/ ю́же возлюбил еси́,// моля́ о спасе́нии сла́вящих тя благоче́стно.

И ны́не, праздни́ка

**Тропа́рь, глас 3:**

**Цѣркве Рѹсскія стѡлпе непоколебѣмый,/ благочѣстія прѣвило,/ житія евангелѣскаго ѡбразѣ,/ священномѹчениче Евгение,/ Христа́ ради пострада́вый да́же до кро́ве,/ Егѡже моли́ усѣрдно,/ я́ко Нача́льника и Соверши́теля спасѣнія,/ Русь Святѹю утверди́ти в Правосла́вии// до сконча́нія вѣка.**

**НА УТРЕНИ**

**По стихослѡвіи седа́лен, глас 6:**

Сквозѣ́ огнь мучѣ́нія, я́ко свидѣ́тель вѣ́рный, прошѣ́л еси́,/ блаже́нне Евгение,/ сего́́ ради́ с ли́ки святѣ́х земли́ Рѹсскія/ в Небе́снем Оте́чествѣ торжествѹ́еши./ Помози́ и нам бы́ти вѣ́рным Христу́ и спастѣ́ся душа́м на́шим.

Сла́ва, и ны́не, праздни́ка

**Велича́ние:**

**Велича́ем тя,/ священномѹчениче Евгение,/ и чтим честна́я страда́нія твоя́,/ я́же за Христа́ во утвержде́ние на Руси́ Правосла́вия// претерпе́л еси́.**

Псалом избранный:

1-й лик: Бог нам Прибе́жище и Си́ла.

2-й лик: Го́споди, воздвѣ́гни си́лу Твою́ и прииди́, во е́же спасти́ ны.

1-й лик: Глаго́лах о свидѣ́ніих Твои́х пред ца́ри и не стыдя́хся.

**По полиелѣи седа́лен, глас 1:**

До́блій страда́льче и служи́телю Та́ин Бо́жиих,/ священномѹчениче Евгение,/ Цѣркве Рѹсскія похвало́ и утвержде́ние,/ ны́не, прѣздную́ще твою́́ па́мять,/ Бо́гу, просла́вльшему тя, благодарственнѡ вопи́ем:/ сла́ва Да́вшему ти крѣ́пость во страда́ніих,/ сла́ва Венча́вшему тя,/ сла́ва Спа́сѹющему нас твои́ми моли́твами.

Сла́ва, и ны́не, праздни́ка

Степе́нна, 1-й антифо́н 4-го гласа. **Прокі́мен, глас 4: Пройдо́хом** **сквозѣ́ огнь и во́ду,// и извѣ́л еси́ ны в поко́й.** Стих: Разже́гл ны еси́,

якоже разжизается сребро. Всякое дыхание: Евангелие от Матфея, зачало 36.

### **По 50-м псалмѣ стихира, глас 6:**

Егда попусти Господь по грехом нашим/ братоубийство, гонения и веры Христовы поругание,/ ты, священномучениче Евгение,/ Церкви Российския столп непоколебимый явился еси/ и, кровь свою за Христа пролив,/ паству во единстве соблюл еси./ Ныне же, на Небеси предстоя с лики новомучеников,// моли спастися душам нашим.

### **Канон, глас 4.**

#### **Песнь 1**

Ирмос: Моря чермную пучину/ невлажными стопами/ древний пешешествовав Израиль,/ крестообразными Моисеевыми руками// Амаликову силу в пустыни победил есть.

Воли Божией послушив быв,/ священства дар приял еси, священномучениче Евгение,/ и, за Христа даже до смерти пострадав,/ верный сын Церкви явился еси.

Изгнание и разлучение с паствою твою мужественно претерпел еси, священномучениче Евгение,/ но ничтоже возможно разлучити тя от любви Божия.

Безбоязненно проповедовал еси людям покаяние, священномучениче Евгение,/ да обратят сердца своя к Богу/ и только на Него в скорбех и лишениях упование имут.

Богородичен: Мати Божия,/ дом Твой, Святая Русь, молит Тя:/ избави люди Твоя от всякия нужды и вечнаго осуждения.

#### **Песнь 3**

Ирмос: Веселится о Тебе Церковь Твоя, Христе, зовущи:/ Ты моя крепость, Господи,// и прибежище, и утверждение.

Егда придет испытание веры твоея, священномучениче Евгение,/ страдание за Христа, яко благодатный дар, приял еси/ и кровию твою Русскую землю обогатил еси.

Егда прииде гонение от безбожных,/ столп непоколебим Русския  
Церкве явился еси, священномучениче Евгение,/ святых, яко ближних  
сродник, в помощь призывая,/ с нимиже купно ныне прославляешися.

Аще и умерщвлен был еси телом, священномучениче Евгение,/ обаче духом козни диавольския посрамил еси,/ имея Христа прибежище и утверждение.

Богородичен: Тя Предстательницу, Пречистая Дево, молим:/ преложи нашу печаль на радость и скорбилежащая избави, Заступнице наша.

Кондак и икос праздника

### Седален, глас 3:

Заветы исповедников и священномучеников Христовых восприем,/ душу твою за веру Православную положил еси, святе,/ еюже утверждается земля Русская./ Сего ради молися, священномучениче Евгение,/ любовью чтущим тя верным Христу до конца быти.

Слава, и ныне, праздника

### Песнь 4

Ирмос: Вознесена Тя видевши Церковь на Кресте,/ Солнце Праведное,/ ста в чине своем,/ достойно взывающи:// слава силе Твоей, Господи.

Да не дерзают языцы рещи: где есть Бог ваш?/ Кровь бо новомучеников от земли нашея вопиет:/ Господи, Господь наш, яко чудно имя Твое по всей Русстей земли.

Имже образом желает елень на источники водные,/ сие ты, страстотерпче Евгение, к живоносным страданиям за Христа притекл еси,/ имиже присно священно обновляется лице земли Русския.

Вся земная ни во что вменив Христа ради,/ словом и житием, священномучениче Евгение, верных поучал еси:/ о Боже сотворим силу,/ и Той унижит стужающих нам.

Богородичен: Стена неборимая и Покров всемогущий Российским новомучеником явилася еси, Пресвятая Дево,/ темже Тя величаем.

## Песнь 5

Ирмос: Ты, Господи мой,/ Свет в мир пришёл еси,/ Свет Святый, обраща́й из мра́чна неведения// верою воспева́ющия Тя.

Яко луч Со́лнца Пра́вды яви́лся еси́, священномучениче Евгение,/ и страда́ньми тво́ими мглу безбо́жия над Оте́чеством на́шим разсе́ял еси́.

Егда́ безбо́жнии тща́хуся сокры́ти тя в темни́це, священномучениче Евгение,/ Госпо́дь яви́ тя испове́дника Своего́ всем концём земли́ Ру́сския.

Ру́сския Це́ркве свети́льниче свяще́нный Евгение,/ крове́ми мученическими неугасимо светя́й и у Престо́ла Бо́жия предсто́яй,/ моли́ся о чту́щих тя.

Богоро́дичен: Иже от Де́вы неизрече́нно рождейся, Господи,/ сохрани́ моли́твами Ея́ Це́рковь Твою́,/ Тебе́ сла́вящую правосла́вными гласы́.

## Песнь 6

Ирмос: Пожру́ Ти со гласом хваления, Господи,/ Це́рковь вопи́ет Ти,/ от бесо́вския кро́ве очи́щшися/ ра́ди ми́лости от ребр Тво́их// исте́кшею Кро́вию.

Воспри́йм меч духо́вный, иже есть глаго́л Бо́жий,/ безбо́жных ко́зни сокруши́л еси́, священномучениче Евгение,/ и вся разжже́нныя стрёлы лука́ваго угаси́л еси́ щито́м ве́ры Правосла́вныя.

Во свяще́нниках благоче́стно пожив и муче́ния путь терпели́во воспри́йм,/ сугу́бую мзду на Небесе́х обрёл еси́, священномучениче Евгение,/ иде́же ева́нгельски прісно раду́ешься и весели́шися.

Ничто́же возмо́же разлучи́ти тя, богоприятне, от любве́ Христо́вы:/ ни скорбь, ни гоне́ние, ни смерть,/ вся бо сия́ си́лою Возлю́блышаго тя Господа́ препобеди́л еси́, священномучениче.

Богоро́дичен: Поём Тя, Предста́тельнице тёплая и Засту́пнице христиа́н, Богоро́дице Всепе́тая,/ я́ко со все́ми святы́ми земли́ Ру́сския мо́лиши Сы́на Твоего́ и Бо́га на́шего/ обрести́ нам ве́лию ми́лость.

## Конда́к, глас 2:

Восхва́лим, ве́рнии,/ изря́днаго во свяще́нниках/ и сла́внаго в му́ченицах Евге́ния,/ Правосла́вия поборо́ника и благоче́стия ревни́теля,/ земли́ Ру́сския кра́сное прозябе́ние,/ иже страда́нием Небесе́ дости́же/ и та́мо те́пле мо́лит Христа́ Бо́га// спасти́ся душа́м на́шим.

## И́кос:

Красу́йся и лику́й, Це́рковь Ру́сская,/ я́ко благопло́дная лоза́ свяще́ннаго страда́льца израсти́вшая,/ добропобе́дным муче́нием сердца́ ве́рных укрепивша́го,/ за́поведи Госпо́дни испо́лнивша́го и при́сно ева́нгельски учи́вша́го:/ прииди́те, ча́да, послу́шайте мене́,/ не убо́йтесь от убива́ющих те́ло, души́ же не могу́щих уби́ти,/ убо́йтесь же па́че могу́щаго ду́шу и те́ло погуби́ти в ге́енне./ Те́мже, священномуче́ниче Евге́ние, моли́ Христа́ Бо́га спасти́ся душа́м на́шим.

## Песнь 7

Ирмо́с: В пе́щи авраа́мстии о́троцы перси́дстей,/ любо́вию благоче́стия па́че,/ неже́ли пла́менем, опаля́еми, взыва́ху:// благослове́н еси́ в хра́ме сла́вы Твоея́, Го́споди.

Я́ко три́е о́троцы, в пе́щи вавило́нстей пла́менем объ́ятии, моли́твою не сгара́ху,/ та́ко ты, священномуче́ниче Евге́ние, во огни́ муче́ний благода́тию ве́ру сохра́нил еси́./ Сего́ ра́ди ны́не с новомуче́ники Росси́йскими лику́еши:/ благослове́н еси́, Бо́же отце́в земли́ на́шей.

Я́коже дре́вле о́троцы, в пе́щи неопалѧемии, злато́му истука́ну не поклонѧ́шася,/ та́ко же и ты, священномуче́ниче Евге́ние, огне́м муче́ний неопалѧе́мь,/ безбо́жие небо́язненно облича́л еси́, взыва́я с новомуче́ники Росси́йскими:/ благослове́н еси́, Бо́же отце́в земли́ на́шей.

Же́ртву живу́ю и всесо́жже́ние Творцу́ себе́ са́маго прино́ся, священномуче́ниче Евге́ние,/ с новомуче́ники Росси́йскими воспева́л еси́:/ могу́щии, пока́райтесь, я́ко с на́ми Бог отце́в земли́ на́шей.

Богоро́дичен: Я́же па́че ума́ и естества́ Бо́га ро́ждши, Неискусому́жная Мари́е,/ чту́щия Тя от враг ви́димых и неви́димых изба́ви,/ Ты бо еси́ земли́ отце́в на́ших Держа́ва необоро́мая.



## Песнь 8

Ирмос: Руце распростёр, Даниїл/ львов зияния в рове затчѣ;/  
огненную же силу угасиша,/ добродѣтелию препоясавшеся,/ благочестия  
рачители отроцы, взывающе:// благословіте, вся дела Господня,  
Господа.

Землю Русскую, безбожными гонѣнии нещадно жегому,/  
слезами и кровью твоими напоил еси, священномучениче Евгение,/ сего ради  
плоды веры, чада церковная, возрастил еси.

Злобы мучителей не убоялся еси,/ огнем любви Божественныя твоя  
препобедив,/ темже благодать молиться о нас стяжал еси,  
священномучениче Евгение, достохвальне.

Благословляя гонителей твоих, блаженне Евгение,/ усердно молился  
еси за них,/ да покаются и купно с верными братьями благословят  
Господа.

Богородичен: Христа зрящи умерщвляема, Многопетая Владычица,/  
и видящи исполнение Симеонова проречения, слезящи взываше:/  
благословен еси, Боже, во веки.

## Песнь 9

Ирмос: Камень нерукосечный/ от несекомыя горы, Тебе, Дѣво,/  
краеугольный отсечеся,/ Христос, совокупивый разстоящаяся естества://  
Тем, веселящаяся, Тя, Богородице, величаем.

Руками беззаконных убиен,/ жертва благоприятная и вольное  
заколѣние Богу принеслся еси, святче Божий Евгение./ Тем благодарне  
память твою почитаем.

Господь, исполняя смотрение Свое о Церкви Русстей,/ заступника  
ты, священномучениче Евгение, содела./ Темже молися Ему, во  
благочестии нам пребывать и спастися душам нашим.

О бездна благодати Божия!/ Дарова бо Бог возлюбленным Своим  
веры ради пострадати/ и ты, священномучениче Евгение,/ яко плод  
красный спасительнаго сеяния, избран от земли Русския.

Богорóдичен: Разорí совёты вся, на ны вооружённые, Мáти Бóга Вь́шняго,/ и рáдости испóлни упováющия на Тя,/ да усéрдно вси Твоё проповéдуем заступлénие.

### **Светíлен:**

Пáству хлéбом слóва Бóжия насыщáя/ и винóм премúдрости свящénныя напо́яя,/ теплотóю любвё твое́я дáры сия́ растворíл есí, священномúчениче Евгение./ И ны́не высóким проповéданием вещáеши ча́дом Цérкве Рýсския:/ приступíте ко Гóсподу, и просветíтся,/ и лíца вáша не постыд́ятся.

Слáва, и ны́не, Богорóдичен:

О Тебé мы хвáлимся, Богородíтельнице,/ и к Бóгу Тя íмамы Предстáтельство,/ прострí рúку Твою́ необорíмую/ и сокрушí врагí Цérкве Рýсския.

### **На хвалíтех стихíры, глас 4.**

Дал есí знамéние/ землí Рýсстей, Гóсподи,/ священномúченика, угóдника Твоегó, Евгения,/ я́ко да тем умолён бывáя,/ отвратíши прáведный Твой гнев,/ и не погíбнет святáя/ и боголюбíвая Русь// предстáтельством нóваго страсотéрпца.

Жéртву хвалéния/ прíсно Гóсподеви принося́,/ священномúчениче Евгение,/ в конéц самáго себé/ в жéртву живу́ и святу́,/ благоугóдну и совершénну предстáвил есí,/ тёмже ти вёрно вопиём:/ благоприя́тны сотвори́ молíтвы нáша// о благостоя́нии Цérкве Рýсския.

Предстáтелю Цérкве Рýсския,/ священномúчениче Евгение всехвáльне,/ вы́ну зряй Лицé Гóспода на Небесéх,/ не прéзри ни едíнаго/ от мáлых чад ея́,/ но рáдостно покая́ние нáше приими́/ и моли́ прíсно// сыновóм Россíйским спаст́ися.

### **Слáва, глас 8.**

О, преслáвнаго чудесé!/ Я́ко крин посреде́ тёрния,/ в страдáниях за Христа́ процвёл есí, священномúчениче Евгение,/ да не затмíтся в землí нáшей свет Правослáвия/ во откровéние язы́ком и слáву наро́да Рýсскаго./ И ны́не, в селéниях рáйских пребывáя,/ неувядáемо благоухáеши// вéре твоёй подража́ющим.

## **И ны́не, глас и подобен то́йже:**

О, пресла́внаго чудесе́!/ Небесе́ и земли́ Цари́ца,/ от святы́х  
сродни́ков на́ших умоля́емая,/ до ны́не зе́млю Ру́сскую покрыва́ет/ и ли́ка  
Своего́ изображе́нии ми́лостивно обога́щает./ О Влады́чице Держа́вная!/  
Не престáни и на бу́дущее вре́мя/ во утвержде́ние на Руси́ Правосла́вия//  
ми́лости и чудеса́ изливáти до ве́ка. Ами́нь.

Славосло́вие вели́кое. И отпу́ст.

## **НА ЛИТУРГИИ**

Прокі́мен праздника и святого, глас 7: Честна́ пред Го́сподем//  
смерть преподо́бных Его́. Стих: Что возда́м Го́сподеви о всех, я́же  
воздаде́ ми?

Апо́стол праздника и святого к Ри́мляном, зача́ло 99.

Аллилу́ия, глас 2: Свяще́нницы Твои́ облеку́тся в правду, и  
преподо́бнии Твои́ возра́дуются. Стих: Бог нам Прибе́жище и Си́ла,  
Помо́щник в ско́рбех, обрётших ны зело́.

Ева́нгелие праздника и святого от Луки́, зача́ло 106. Конёц: В  
терпе́нии ва́шем стяжи́те душа́ ва́ша.

Прича́стен праздника и святого: В па́мь вёчную бу́дет пра́ведник:

## Моли́тва

О избра́нниче и уго́дниче Христо́в, священномучениче Евге́ние, Це́ркве Ру́сския сто́лпе непоколеби́мый, земли́ на́шей благо́е прозяба́ние и кра́сный плод, сро́дников твои́х предста́телю и наста́вниче! Ты во вре́мя гоне́ния безбо́жнаго от сокро́вищницы душі́ твое́я спаси́тельное испове́дание Правосла́вныя ве́ры изне́сл еси́, и лю́дем ве́рным па́стырь до́брый яви́лся еси́, ду́шу твою́ за Христа́ и Его́ о́вцы полага́я и лю́тыя во́лки дале́че отгона́я. Ны́не у́бо при́зри на нас, недосто́йных чад твои́х, умиле́нною душе́ю и сокруше́нным се́рдцем тя призыва́ющих. Умоли́ Го́спода Бо́га, да прости́т согреше́ния на́ша и изба́вит от а́довых уз и ве́чнаго муче́ния. Утверди́ нас в ве́ре святе́й, научи́ нас всегда́ твори́ти во́лю Бо́жию и храни́ти за́поведи церко́вныя. Буди́ па́стырем на́шим пра́вило ве́ры, вои́ном вождь духо́вный, боля́щим врач изря́дный, печа́льным утеше́тель, гони́мым засту́пник, ю́ным наста́вник, всем же благосе́рдый оте́ц и те́плый моли́твенник, я́ко да моли́твами твои́ми соблюде́тся в Правосла́вии Свята́я Русь и непреста́нно сла́вится в ней и́мя Пресвяты́я Тро́ицы, Отца́, и Сы́на, и Свята́го Ду́ха, во ве́ки веко́в. Ами́нь.